

SOALAN LAZIM (FAQ)
KEMASUKAN PELAJAR KE UNIVERSITI AWAM (UA),
POLITEKNIK, KOLEJ KOMUNITI DAN INSTITUSI LATIHAN
KEMAHIRAN AWAM (ILKA)

ISI KANDUNGAN FAQ

A. UMUM.....	1
B. PERMOHONAN.....	5
C. UPUONLINE.....	10
D. HEBAHAN, KEPUTUSAN DAN RAYUAN	12

A. UMUM

SOALAN 1:

Apa itu BPKP JPT? (1)

JAWAPAN 1:

BPKP JPT adalah Bahagian Pengurusan Kemasukan Pelajar (BPKP) di Jabatan Pendidikan Tinggi (JPT) atau lebih dikenali dengan UPU. BPKP JPT adalah bahagian yang bertanggungjawab menyelaras kemasukan ke

- a) 20 Universiti Awam (UA), 36 buah Politeknik, 102 Kolej Komuniti dan 4 Institusi Latihan Kemahiran Awam (ILKA) melalui **UPUOnline**
 - Program Pengajian Lulusan STPM/ Setaraf
 - Program Pengajian Lulusan SPM

- b) 33 Politeknik Konvensional/METrO, 102 Kolej Komuniti dan 5 Institusi Latihan Kemahiran Awam (ILKA) melalui **UPUSkills**
 - Program Pengajian Lulusan SPM
 - Program Pengajian Lulusan Sijil Kemahiran Malaysia, Sijil Suruhanjaya Tenaga dan Kemasukan ke Program Sijil Pengajar Vokasional (VTO)

SOALAN 2:

Apa itu meritokrasi dalam kemasukan pelajar?

JAWAPAN 2:

Meritokrasi adalah penentuan nilai merit yang dilaksanakan tanpa mengira agama, bangsa, keturunan, negeri, tempat tinggal dan sebagainya. Prinsip meritokrasi mengguna pakai:

- a) **90% markah akademik dan 10% markah kokurikulum** bagi kemasukan ke Universiti Awam (UA), Politeknik, Kolej Komuniti dan Institusi Latihan Kemahiran Awam (ILKA)

SOALAN 3:

Apa beza Politeknik Premier dengan Politeknik Konvensional/ METrO?

JAWAPAN 3:

Politeknik Premier adalah politeknik yang setanding dengan Universiti Awam. Pelajar perlu bersaing untuk kemasukan ke UA dan Politeknik Premier. Tiga (3) Politeknik Premier adalah

- 1) Politeknik Ungku Omar, Perak (PUO)
- 2) Politeknik Sultan Salahudin Abdul Aziz Shah, Selangor (PSA)
- 3) Politeknik Ibrahim Sultan, Johor (PIS)

Manakala **Politeknik Konvensional** pula adalah 28 buah politeknik selain Politeknik Premier seperti berikut:

- 1) Politeknik Sultan Haji Ahmad Shah, Pahang
- 2) Politeknik Sultan Abdul Halim Mu'adzam Shah, Kedah
- 3) Politeknik Kota Bharu, Kelantan
- 4) Politeknik Kuching, Sarawak
- 5) Politeknik Port Dickson, Negeri Sembilan
- 6) Politeknik Kota Kinabalu, Sabah
- 7) Politeknik Seberang Perai, Pulau Pinang
- 8) Politeknik Melaka, Melaka
- 9) Politeknik Kuala Terengganu, Terengganu
- 10) Politeknik Sultan Mizan Zainal Abidin, Terengganu
- 11) Politeknik Merlimau, Melaka
- 12) Politeknik Tuanku Sultanah Bahiyah, Kedah
- 13) Politeknik Sultan Azlan Shah, Perak
- 14) Politeknik Sultan Idris Shah, Selangor
- 15) Politeknik Tuanku Syed Sirajuddin, Perlis
- 16) Politeknik Muadzam Shah, Pahang
- 17) Politeknik Mukah, Sarawak
- 18) Politeknik Balik Pulau, Pulau Pinang
- 19) Politeknik Jeli, Kelantan

- 20) Politeknik Nilai, Negeri Sembilan
- 21) Politeknik Banting, Selangor
- 22) Politeknik Mersing, Johor
- 23) Politeknik Hulu Terengganu, Terengganu
- 24) Politeknik Sandakan, Sabah
- 25) Politeknik Tun Syed Nasir Syed Ismail, Johor
- 26) Politeknik Bagan Datuk, Perak
- 27) Politeknik Besut, Terengganu
- 28) Politeknik Tawau, Sabah

Politeknik METrO adalah adalah politeknik yang ditubuhkan bagi memenuhi keperluan sosio ekonomi tempatan dan wilayah dalam bidang tertentu. Lima (5) buah Politeknik METrO adalah

- a) Politeknik METrO Kuala Lumpur (PMKL)
- b) Politeknik METrO Kuantan, Pahang (PMKU)
- c) Politeknik METrO Johor Bahru, Johor (PMJB)
- d) Politeknik METrO Betong, Sarawak (PMB)
- e) Politeknik METrO Tasek Gelugor, Pulau Pinang (PMTG)

SOALAN 4:

Ada Program Pengajian Lepas STPM/Setaraf, ada Lepas SPM dan Lepas Sijil Kemahiran Malaysia, Sijil Suruhanjaya Tenaga dan Kemasukan ke Program Sijil Pengajar Vokasional (VTO). Banyak sangat yang saya tidak faham dan keliru. Cuba terangkan maksud bagi setiap perkara?

JAWAPAN 4:

Program pengajian **Lepas STPM/Setaraf** adalah calon yang mempunyai kelayakan seperti STPM, STAM, Matrikulasi/ Asasi, Diploma, A-Level dan lain-lain untuk melanjutkan pengajian ke **peringkat Ijazah Sarjana Muda**.

Manakala program pengajian **Lepas SPM** pula adalah calon yang mempunyai kelayakan SPM untuk melanjutkan pengajian ke **peringkat Asasi, Sijil dan Diploma**.

Lepas Sijil Kemahiran Malaysia/ Sijil Suruhanjaya Tenaga adalah calon yang mempunyai **SKM dan Sijil Pendawaian/ Sijil Jentera** untuk **naik tahap** seperti daripada SKM Tahap 3 ke SKM tahap 4.

Sijil Pengajar Vokasional (VTO) pula adalah terbuka kepada semua calon yang mempunyai **Sijil/ Diploma** untuk mengikuti program menjadi **tenaga pengajar Vokasional**.

SOALAN 5

Selain daripada Portal Rasmi Kemasukan Pelajar iaitu <http://upu.moe.gov.my>, saluran mana yang boleh saya dapatkan informasi terkini dan adakah terdapat apa aktiviti anjuran BPKP JPT untuk menyebarkan maklumat kemasukan bagi membantu saya dalam mencapai cita-cita yang akhirnya mencorakkan negara dengan pembangunan modal insan yang seimbang?

JAWAPAN 5:

Setiap tahun KPM akan menganjurkan Karnival iaitu Jom Masuk IPT. Ini adalah sebagai platform untuk persiapan kemasukan pelajar. Kiosk-kiosk UPUOnline disediakan kepada anda di tapak karnival, khidmat runding cara bersama pegawai daripada Kementerian, UA, Politeknik, Kolej Komuniti dan ILKA serta edaran bahan bercetak mengenai institusi, program pengajian, sistem dan prosedur permohonan.

Selain daripada itu, BPKP JPT juga telah mengambil pendekatan proaktif dengan memperkenalkan akses komunikasi secara maya bersama masyarakat di

Facebook	:	KEMASUKAN BPKP JPT
Twitter	:	@TWT_UPU
Instagram	:	@KEMASUKANBPKP
Play Store/App Store	:	UPUPocket 2.0

Anda digalakkan untuk  Facebook Kemasukan BPKP JPT bagi memastikan maklumat terkini sentiasa diperolehi.

B. PERMOHONAN

SOALAN 6:

Bagaimana permohonan kemasukan ke IPTA dan ILKA boleh dikemukakan?

JAWAPAN 6:

Permohonan kemasukan ke IPTA dan ILKA adalah secara atas talian sahaja iaitu melalui UPUOnline di Portal Rasmi UPU iaitu <http://upu.moe.gov.my>

SOALAN 7:

Bila permohonan kemasukan dibuka dan adakah bayaran dikenakan untuk mengemukakan permohonan?

JAWAPAN 7:

Permohonan kemasukan akan dibuka pada bulan Februari setiap tahun dan setiap permohonan dikenakan bayaran melalui pembelian No. Unik ID.

SOALAN 8:

Bagaimanakah cara untuk membeli No. Unik ID tersebut dan berapa harga No. Unik ID?

JAWAPAN 8:

No. Unik ID boleh dibeli dengan cara berikut:
Pembelian secara individu melalui Kaunter BSN dan jika pemohon/ibu bapa memiliki akaun GIRO BSN, pembelian boleh dibuat melalui mesin automated teller machine (ATM) dan perbankan internet (myBSN). Harga No. Unik ID adalah RM15.60.

SOALAN 9:

Bagaimana untuk memastikan No. Unik ID yang dibeli adalah betul?

JAWAPAN 9:

Pastikan No. Kad Pengenalan yang tertera dalam Slip No. Unik ID BSN adalah betul. Jika pemohon adalah **Lepasan STPM/Setaraf**, No. Unik ID bermula dengan angka **13XXX** dan jika pemohon adalah **Lepasan SPM**, No. Unik ID bermula dengan angka **16XXX**.

SOALAN 10:

Bolehkah saya akses UPUOnline tanpa membeli No. Unik ID?

JAWAPAN 10:

Boleh. Anda hanya perlu **Daftar Kali Pertama** terlebih dahulu dengan memasukkan item yang diperlukan. Semasa **Daftar Kali Pertama** ini anda tidak perlu memasukkan No. Unik ID.

Selepas daftar, anda boleh akses UPUOnline untuk dapatkan maklumat seperti berikut sebelum mengemukakan permohonan

- a) Manual Pengguna UPUOnline
- b) e-Panduan : Syarat Am dan Khas Kemasukan

Selepas itu, anda boleh membeli No. Unik ID dan mengemukakan permohonan.

Selain UPUOnline, anda juga boleh akses UPUPocket 2.0 untuk smart phone anda yang boleh didapati di Play Store dan App Store. Aplikasi ini boleh digunakan untuk berikut :

- a) Semak kelayakan kemasukan
- b) e-Panduan : Syarat Am dan Khas Kemasukan
- c) Status permohonan
- d) Keputusan permohonan dan rayuan
- e) Rujukan tarikh penting

SOALAN 11:

Bolehkah saya mohon UPUOnline sedangkan saya belum mendapat keputusan SPM lagi?

JAWAPAN 11:

Boleh. Calon digalakkan untuk memohon UPUOnline lebih awal bagi memastikan anda faham bagaimana untuk menggunakan UPUOnline. Anda boleh memilih program pengajian berdasarkan keputusan percubaan dan bidang yang diminati.

Setelah memperoleh keputusan SPM, anda hanya perlu mengemaskini maklumat pilihan program pengajian supaya program yang dipilih memenuhi syarat am dan khas yang ditetapkan oleh IPTA dan ILKA.

Selepas enam (6) hari keputusan SPM diumumkan, pilihan program yang dipaparkan dalam pilihan program pengajian di UPUOnline adalah yang anda layak sahaja berdasarkan keputusan dan syarat kemasukan program pengajian.

Anda boleh mengelakkan sebarang masalah teknikal/ kesesakan jika mohon UPUOnline lebih awal.

SOALAN 12:

Bagaimana saya tahu yang saya layak memohon atau tidak?

JAWAPAN 12:

Anda boleh menyemak sama ada layak memohon atau tidak dalam e-Panduan. Namun begitu semua program yang terpapar dalam sistem UPUOnline selepas keputusan rasmi STPM dan SPM dikeluarkan adalah program yang layak dipohon sahaja.

SOALAN 13:

Semasa mengisi borang permohonan dalam talian, saya telah membuat kesilapan dalam mengisi jenis kategori. Adakah permohonan tersebut masih diproses oleh pihak BPKP?

JAWAPAN 13:

Ya, masih diproses. Walau bagaimana pun pemohon perlu memaklumkan kepada pihak BPKP, JPT terlebih dahulu di talian Hotline 03-8870 8200 kerana kesilapan dalam mengisi kategori akan menyukarkan proses permohonan. Pertukaran kategori ini hanya boleh dibuat sebelum tarikh tutup permohonan.

SOALAN 14:

Adakah saya perlu menghantar sebarang salinan dokumen/ sijil sebagai bukti bagi proses permohonan kemasukan?

JAWAPAN 14:

Pemohon tidak perlu menghantar sebarang salinan dokumen/ sijil kerana BPKP JPT melaksanakan proses padanan dengan pelbagai agensi seperti Jabatan Pendaftaran Negara (JPN), Lembaga Peperiksaan, Majlis Peperiksaan Malaysia, Bahagian Kokurikulum & Kesenian KPM dan sebagainya bagi memastikan data peribadi, keputusan peperiksaan, MUET dan markah kokurikulum adalah tepat.

Walau bagaimanapun, jika anda merupakan pelajar Lulusan STPM/Setaraf dalam Kategori Diploma/Setaraf, anda perlu memuat naik beberapa dokumen penting dalam Sistem UPUOnline.

SOALAN 15:

Bagaimana jika saya terlupa kata laluan saya, ada cara yang saya boleh mendapatkannya semula ?

JAWAPAN 15:

Anda boleh buka pada portal rasmi kami di UPUOnline Sistem Permohonan Kemasukan Pelajar dan tekan pada ruangan lupa kata laluan. Bagi tujuan set semula kata laluan, anda dikehendaki memastikan jawapan bagi soalan keselamatan adalah tepat.

SOALAN 16:

Siapakah yang boleh membuat pengesahan untuk dokumen bagi kategori STPM dan setaraf?

JAWAPAN 16:

Setiap salinan dokumen yang dimuat naik hendaklah mendapatkan Salinan Diakui Sah daripada mana-mana pegawai kakitangan kerajaan gred 41 ke atas dan gred pegawai yang berkaitan/mana-mana ketua kampung/penghulu dan lain-lain.

SOALAN 17:

Bagaimana cara pengisian ruangan no kad pengenalan di maklumat bapa/penjaga jika bapa saya bukan taraf warganegara?

JAWAPAN 17:

Ruang tersebut hanya menerima maklumat ibu/bapa/penjaga yang bertaraf warganegara dan mempunyai no kad pengenalan/ MyKad. Oleh itu, kemukakan maklumat penjaga yang lain seperti bapa/ibu saudara atau sesiapa yang mempunyai hubungan keluarga terdekat sahaja. Pastikan penjaga lain tersebut mempunyai no kad pengenalan/ MyKad.

SOALAN 18:

Adakah saya boleh membuat permohonan melalui UPUOnline jika saya mahu melanjutkan pelajaran saya dalam program pendidikan jarak jauh(PJJ) ?

JAWAPAN 18:

Program Pendidikan Jarak Jauh (PJJ) tidak boleh memohon melalui UPUOnline, anda boleh memohon terus melalui Universiti Awam.

SOALAN 19:

Bolehkah saya membuat permohonan melalui UPUOnline sedangkan saya belum tamat pengajian?

JAWAPAN 19:

Calon yang belum menamatkan pengajian dan dijangka akan tamat pengajian selepas tarikh UPUOnline ditutup, masih boleh mengemukakan permohonan UPUOnline.

Hanya calon yang tamat pengajian sehingga Ogos sahaja yang dibenarkan untuk mengemukakan permohonan kemasukan pelajar. Calon yang belum tamat dan hanya akan tamat pengajian selepas permohonan ditutup hingga Ogos boleh mengemas kini tarikh tamat pengajian dan memuat naikkan dokumen terkini semasa permohonan rayuan untuk dipertimbangkan.

SOALAN 20:

Saya adalah pelajar lepasan STPM, bolehkah saya membuat permohonan UPUOnline ke peringkat Diploma dan Sarjana Muda?

JAWAPAN 20:

Boleh, bagi calon yang mempunyai keputusan STPM dan SPM, calon boleh mengemukakan permohonan ke peringkat Diploma dan Sarjana Muda dengan syarat membeli dua nombor Unik ID untuk Lulusan SPM dan STPM / Setaraf.

C. UPUONLINE

SOALAN 21:

Saya telah tersilap daftar No. Kad Pengenalan (NO. KP) semasa pendaftaran peperiksaan SPM, adakah saya boleh memohon UPUOnline?

JAWAPAN 21:

Boleh. Anda cuma perlu masukkan No. KP yang silap semasa pendaftaran peperiksaan SPM pada ruangan **No. Kad Pengenalan Semasa Pendaftaran Peperiksaan** dalam UPUOnline.

SOALAN 22:

Adakah saya diberi peluang untuk membuat kemas kini permohonan disebabkan kesilapan dalam mengisi permohonan?

JAWAPAN 22:

Ya, anda masih boleh mengemas kini permohonan **tanpa sebarang had** sepanjang tempoh permohonan. Namun demikian, anda perlu memastikan kemas kini maklumat hanya dilakukan oleh anda sendiri tanpa melibatkan mana-mana pihak ketiga. BPKP JPT tidak bertanggungjawab atas kesilapan maklumat yang dimasukkan.

SOALAN 23:

Saya terlupa untuk mencetak/ simpan Slip Permohonan UPUOnline. Bagaimana cara untuk saya mencetak/ simpan Slip Permohonan UPUOnline dan adakah setiap kali saya kemaskini permohonan saya juga perlu mencetak Slip tersebut?

JAWAPAN 23:

Ya, anda dinasihatkan untuk mencetak/menyimpan slip tersebut setiap kali mengemaskini permohonan. Anda hanya perlu login UPUOnline seperti biasa dan klik pada pautan menu SLIP pada sebelah kanan laman. Selepas itu, Slip Permohonan UPUOnline akan dipaparkan dalam format PDF. Anda boleh cetak terus atau menyimpan/save fail PDF tersebut dalam komputer anda.

SOALAN 24 :

Saya cuba klik pautan SLIP dalam UPUOnline, tetapi tiada sebarang paparan Slip Permohonan UPUOnline dipaparkan. Mengapakah perkara ini berlaku?

JAWAPAN 24:

Perkara ini berlaku kerana anda tidak berjaya mengemukakan permohonan. Mungkin anda tidak klik 'Sah & Hantar' atau berlakunya gangguan internet semasa mengemukakan permohonan.

Setiap permohonan, anda perlu pastikan anda klik 'Sah & Hantar' dan juga pastikan Slip Permohonan UPUOnline dipaparkan dan dicetak/ disimpan sebagai rujukan. Pastikan Slip Permohonan UPUOnline adalah lengkap dengan maklumat permohonan.

SOALAN 25:

Bagaimana saya perlu membuat pilihan program pengajian? Senarai program pengajian yang ada terlalu banyak.

JAWAPAN 25:

Anda boleh melayari e-Panduan Kemasukan Pelajar untuk mendapatkan senarai program pengajian yang anda minati di URL seperti berikut :-

- a) 20 Universiti Awam (UA)
<https://online.moe.gov.my/upu/emas/epanduan/ipta/>
- b) Politeknik Premier, Politeknik Konvensional/ METrO, Kolej Komuniti dan ILKA
<https://online.moe.gov.my/upu/vteilka/fepanduan/index.php>

Dalam e-Panduan ini, anda boleh menyemak sama ada layak memohon atau tidak.

- c) UPUPocket 2.0 dimana aplikasi mudah alih untuk smart phone anda yang boleh didapati di Play Store dan App Store.

Selain itu, selepas lima (5) hari keputusan STPM dan enam (6) hari keputusan SPM diumumkan, pilihan program yang dipaparkan dalam pilihan program pengajian di UPUOnline adalah yang anda layak sahaja berdasarkan keputusan dan syarat kemasukan program pengajian.

D. HEBAHAN, KEPUTUSAN DAN RAYUAN

SOALAN 26:

Bagaimana saya boleh mengetahui bahawa saya dipanggil untuk temu duga atau ujian seperti Ujian MEdSI?

JAWAPAN 26:

Anda perlu menyemak di laman web UA/ Politeknik/ Kolej Komuniti dan ILKA yang berkaitan. Pihak UA/ Politeknik/ Kolej Komuniti dan ILKA yang berkaitan juga akan turut menghubungi anda untuk maklumkan mengenai panggilan Temu duga/ Ujian.

SOALAN 27:

Bagaimanakah saya boleh mendapatkan status keputusan permohonan kemasukan ke UA, Politeknik, Kolej Komuniti dan ILKA?

JAWAPAN 27:

Anda boleh menyemak status keputusan permohonan melalui 3 kaedah berikut:

a) Internet :

- <https://jpt.utm.my>
- <http://jpt.uum.edu.my>
- <https://jpt.unimas.my>
- <http://jpt.ums.edu.my>
- <https://jpt.umt.edu.my>

b) Talian Hotline UPU: 03-8870 8200

c) UPU Pocket 2.0

SOALAN 28:

Adakah saya akan ditawarkan dengan program pengajian yang tidak dipilih dalam UPUOnline?

JAWAPAN 28:

Anda hanya akan ditawarkan pilihan program yang ada dalam pilihan sahaja. Jika anda tidak berjaya pada ambilan pertama, anda perlu mengemukakan permohonan rayuan.

Pemilihan bagi permohonan rayuan adalah untuk mengisi kekosongan tempat yang berlaku selepas pendaftaran pelajar baharu.

SOALAN 29:

Sekiranya saya membuat permohonan e-rayuan dan memilih program pengajian yang sama, adakah pemohon berpeluang untuk mendapat program pengajian tersebut?

JAWAPAN 29:

Kejayaan mendapat tawaran tertakluk memenuhi syarat dan kekosongan tempat. Pemohon dinasihatkan memohon program lain. Pemohon juga dinasihatkan agar tidak melepaskan peluang untuk belajar dalam program- program kemahiran kerana peluang untuk belajar bidang kemahiran adalah sangat besar dan peluang pekerjaan juga adalah luas seperti di Politeknik, Kolej Komuniti dan Institusi Latihan Kemahiran Awam (ILKA) yang lain.

SOALAN 30:

Saya mempunyai keputusan akademik yang cemerlang, tetapi masih gagal mendapat sebarang tawaran.

JAWAPAN 30:

Kejayaan pemohon untuk memperoleh tempat bergantung kepada susunan merit dan pemilihan program pengajian di IPTA/ILKA yang dipohon. Jika merit pemohon tidak begitu tinggi dan memohon program pengajian kompetitif, berkemungkinan besar pemohon tidak terpilih untuk ditawarkan program pengajian dalam pilihan mereka. Begitu juga jika pemohon hanya memohon di Universiti Awam yang popular, pemohon akan menghadapi persaingan yang tinggi dan akhirnya tidak mendapat apa-apa tawaran daripada IPTA/ILKA berkenaan. Antara beberapa sebab mengapa pemohon tidak ditawarkan ke mana-mana IPTA/ILKA adalah kerana:

- i. Tidak mengemukakan permohonan melalui BPKP, JPT
- ii. Tidak memenuhi syarat am UA dan syarat khas program pengajian
- iii. Permohonan tidak lengkap
- iv. Pemalsuan maklumat atau dokumen semasa mengemukakan permohonan
- vi. Tidak tekan butang Sah & Hantar semasa permohonan
- vii. Pemohon sedang belajar
- viii. Dokumen tidak dimuat naik atau dokumen yang dimuat naik tidak jelas (bagi STPM/Setaraf Kategori Diploma/Setaraf)

SOALAN 31:

Saya mendapat tawaran melalui BPKP, JPT tetapi tidak berminat dengan kursus yang ditawarkan. Bolehkah saya memohon untuk menukar kursus lain?

JAWAPAN 31:

Tawaran dan keputusan adalah muktamad. Pemohon yang telah berjaya mendapat tawaran ke IPTA/ILKA melalui BPKP tidak dibenarkan untuk memohon sebarang penukaran kursus yang lain.

SOALAN 32:

Bilakah rayuan kemasukan bagi lepasan SPM dan STPM/Setaraf boleh dibuat?

JAWAPAN 32:

Permohonan rayuan boleh dibuat selepas hebahan keputusan diumumkan.

SOALAN 33:

Bagaimana saya ingin membuat permohonan rayuan ke Politeknik Premier, Politeknik Konvensional/METrO, Kolej Komuniti dan ILKA?

JAWAPAN 33:

Anda boleh membuat permohonan rayuan melalui agensi masing-masing jam 12 tengah hari selepas hebahan keputusan diumumkan. Berikut adalah maklumat permohonan rayuan di Politeknik Premier, Politeknik Konvensional/METrO, Kolej Komuniti dan ILKA :

INSTITUSI LATIHAN KEMAHIRAN BELIA DAN SUKAN (ILKBS)
KEMENTERIAN BELIA DAN SUKAN
<https://ekampus.kbs.gov.my>

INSTITUSI LATIHAN JABATAN TENAGA MANUSIA (ILJTM)
KEMENTERIAN SUMBER MANUSIA
RAYUAN TERUS KE PUSAT LATIHAN YANG BERDEKATAN

JABATAN PENDIDIKAN POLITEKNIK DAN KOLEJ KOMUNITI (JPPKK)
KEMENTERIAN PENDIDIKAN MALAYSIA (PENDIDIKAN TINGGI)
<http://ambilan.mypolycc.edu.my>

BAHAGIAN LATIHAN KEMAHIRAN PERTANIAN (BLKP)
KEMENTERIAN PERTANIAN DAN INDUSTRI ASAS TANI
<http://atpis.moa.gov.my/V4/result>

MAJLIS AMANAH RAKYAT (MARA)
KEMENTERIAN KEMAJUAN LUAR BANDAR DAN WILAYAH
<http://www.tvetmara.edu.my>

SOALAN 34:

Bagaimana untuk membuat rayuan bagi lepasan SPM yang tidak mendapat tempat di Universiti Awam (UA)?

JAWAPAN 34:

Calon Lulusan SPM yang gagal untuk kemasukan ke Universiti Awam (UA) boleh mengemukakan rayuan melalui UPUOnline Rayuan di <http://upu.moe.gov.my> mulai hari hebahan keputusan. Rayuan boleh di buat dalam tempoh lima (5) hari bekerja.

SOALAN 35:

Bagaimana untuk membuat rayuan bagi lepasan SPM ke program TVET di Politeknik Premier, Politeknik Konvensional/ METrO, Kolej Komuniti dan ILKA?

JAWAPAN 35:

Calon yang gagal permohonan kemasukan ke Program TVET di Politeknik Premier, Politeknik Konvensional/ METrO, Kolej Komuniti dan ILKA boleh mengemukakan permohonan rayuan terus kepada agensi yang berkaitan. Sila rujuk jawapan No. 33 untuk lebih lanjut.

SOALAN 36:

Bilakah saya boleh mengetahui keputusan permohonan rayuan lepasan SPM?

JAWAPAN 36:

Permohonan rayuan lepasan SPM akan diumumkan keputusannya pada minggu ke 4 bulan Jun.

SOALAN 37:

Apakah agensi yang menawarkan program TVET kepada calon yang memohon melalui UPUOnline?

JAWAPAN 37:

Jabatan Pendidikan Politeknik dan Kolej Komuniti, Institut Latihan Kemahiran Belia dan Sukan (ILKBS), Institut Latihan Jabatan Tenaga Manusia (ILJTM), Bahagian Latihan Kemahiran Pertanian (BLKP) dan Majlis Amanah Rakyat (MARA).

SOALAN 38:

Kenapa saya tidak nampak paparan pilihan program dalam permohonan rayuan saya?

JAWAPAN 38:

Anda tidak nampak pilihan program kerana anda tidak melepasi syarat am dan syarat khas yang ditetapkan semasa permohonan rayuan atau program berkenaan tidak dibuka untuk rayuan.

SOALAN 39:

Bilakah tarikh Hebahan Lepasan STPM/Setaraf di umumkan?

JAWAPAN 39:

Dijangkakan akan diumumkan pada minggu akhir bulan Julai.

SOALAN 40:

Saya pelajar STPM/Setaraf dan keputusan permohonan UPU baru-baru ini, saya gagal mendapat sebarang tawaran di UA, bagaimanakah cara untuk saya membuat rayuan?

JAWAPAN 40:

Anda boleh mengemukakan rayuan atas talian yang akan dibuka terus pada hari hebahan. Permohonan rayuan hanya dalam 10 hari selepas keputusan permohonan kemasukan diumumkan.

SOALAN 41:

Saya pelajar STPM aliran sastera dan ingin membuat rayuan akan tetapi pilihan program yang saya inginkan tiada dalam pilihan, boleh saya tahu kenapa saya tidak boleh memilih program tersebut?

JAWAPAN 41:

Pilihan program yang tertera mengikut kelayakan dan kekosongan tempat yang di tawarkan oleh Universiti Awam.

SOALAN 42:

Saya telah memilih program bertemuduga semasa rayuan. Adakah saya akan di panggil temuduga?

JAWAPAN 42:

Panggilan temuduga dan kaedah yang akan digunakan tertakluk kepada universiti yang dipohon berdasarkan program pengajian berkenaan.

SOALAN 43:

Boleh saya tahu berapa fasa rayuan bagi Lepasan STPM/Setaraf melalui UPUOnline?

JAWAPAN 43:

Rayuan melalui UPUOnline ada 2 fasa. Fasa 1, rayuan dibuka mengikut pilihan program yang mempunyai kekosongan tempat. Selepas hebahan utama dilakukan, fasa 2 rayuan dibuka mengikut kekosongan tempat selepas pendaftaran pelajar di UA.

SOALAN 44:

Bilakah keputusan rayuan Lepasan STPM/Setaraf fasa 1 dan fasa 2 akan diumumkan ?

JAWAPAN 44:

Hebahan keputusan fasa 1 pada Minggu akhir Ogos manakala Fasa 2 pada minggu kedua September.